

《中國地方藝文薈萃》編委會 編

學苑出版社

中國地方藝文薈萃

華東卷·第十一輯 次

華東卷·第十一輯
玖

中國地方藝文薈萃

《中國地方藝文薈萃》編委會
編

國朝金陵詩徵四十八卷（七）

貴州师范学院内部使用

國朝金陵詩徵四十八卷（七）

（清）朱緒曾編

據清光緒十三年（一八八七）刻本影印

國朝金陵詩徵卷四十八

方外

上元朱緒曾編

文繼蘇

繼蘇洛陽籍金陵道士

吉山永泰寺十六景

存三首

烟霞葱鬱

遙望烟霞鎖翠屏
牛峯南去問山靈
杖藜時出前谿外
一片松陰十里青

絕嶂浮烟

招提深隱萬松關
路涉青溪往復還
客到茶烟浮碧障
悠然畫出米家山

深林落磬

幽巖梧橘老秋風短水橫橋積爛紅林際不知何處寺時聞
清磬出雲中

劉思真

思真字守真一字靜軒雲臺山道士

入雲臺山

曉進雲臺路蒼茫日未升露濃雙屐滑風爽一襟澄野鳥啼
巖頂幽花貼石稜紆迴隨路轉猶未陟峻嶒

朱遂

遂字松巢上元人道士

登清涼臺

歷歷荒臺上同登愛晚吟烟生芳樹合秋入翠微深流水干
年恨孤雲萬里心青山看不盡遙送夕陽沈

周鳴仙

鳴仙字鶴雛上元人道士

山居卽事

綠樹濃陰蔭檻楹松醪一棧自陶情雨中破壁蝸留篆醉後
餘腥蟻起兵新筍放梢風有韻奇書攤案眼初明晚來又向
花間坐領取黃鸝三兩聲

小立門外

門前徙倚樂閒身自愛幽居景物新暑雨驟來雲似馬涼風
掠去水生鱗竹間樓小窗三面村裏人稀樹四鄰便是輞川
圖上意淡烟濃綠倩誰皴

秋夜

避暑人依百尺梧天然一幅輞川圖青山缺處烟能補皓月

升時樹欲無

何必遊仙上玉京一杯春露乞雲英
神仙樂事君知否只比人閒多笑聲

王至澹

至澹字樸山上元人隱仙庵道士有江上吟草隱仙庵在

虎踞關李臯正殿碑云嘉靖五年嶗山道人高元禮結草名竹林道院後內監宋晉號宋神仙者新之崇禎三年易名隱仙菴康熙中道士王常月字崑陽者復恢其制崑陽嘗至燕都白雲觀有塔焉李臯爲之銘又有徐宏祖王思任用之恒王澤宏金鎮鶴維雅李臯諸碑文

山中感賦

入山何所見古墓森古柏春風復秋風
年光何其迫不見古人來但見日西夕

山中即事

前溪過驟雨半嶺忽斜陽苔滑鹿行緩花香蜂到忙有書開
倦眼無酒潤枯腸三月春如海人家日漸長

大健

大健字蒲菴六合人宏濟寺僧有花笑軒集北山詩

集

蒲菴嘗立祠以祀少陵有徒
興洞字默默年一百餘歲

歲寒吟

霰雪亦何繁侵陵翳山麓靄靄入谿雲遙遙散林木崎嶇行
路難荆扉恆自足樵采旣無聲鳥獸各棲宿草閣晝長妍山
光夜逾肅桂花綻紅鮮高枝映巖谷婉變姑射姿粲然媚幽
獨乃知天地心慄冽有芳馥

人日登鍾山

鍾山常在望人日到誰曾躡屩過靈谷披雲拜孝陵荒途迷

亂草深澗咽寒冰香火餘宮監悲涼向野僧

登黃鶴峯

披雲一長嘯萬籟響諸峯黃鶴幾時去閒僧無定蹤遠江流
宿霧短景挂長松南渡空留寺遙聞下界鐘

宏濟寺十二景

鍾溪

源自鍾山發紆迴到法幢幾番經巨壑一氣接長江六代愁
山隕千秋望佛降寺門叢樹裏日夜水淙淙

石門

石門何代鑿一逕向山開疊嶂隨高下丹梯任往來祇林從
此見雲水莫空回建立憑孤杖多年闢草萊

雲壁

壁與雲同勢蒼茫江水中幾時方出岫無日不騰空峭拔諸
天近飛揚勝地雄縱教陵谷異常自立花宮

柳隄

萬柳滄江外長隄繞寺前片雲連楚岫一水接吳天黃犢清
陰下流鶯綠雨邊依依常送客不覺老予年

平田

百畝平如掌沙田傍寺坡峻隄防水漲高柳愛風和粒果充
香積僧堪臥薜蘿自從親稼穡常作勸農歌

燕磯

六代標名勝江南讓燕磯千年惟梵宇何處尙烏衣郭外春
潮遶林邊秋葉飛忘機堪幕上晨夕獨依依

花笑軒

小軒叢樹裏山水趣偏濃不負探幽屐常懷問道筇江懸盤
磴月風逐度溪鐘欲示拈花旨誰能一笑從

大江

大江橫席下無意礙人過風浪有時歇帆檣依舊多古今飛
匹練南北運機梭世道其如是滔滔東逝何

觀音厓

傑閣臨無地躋攀最上層亂流苔重剝深竇乳長凝慈岸非
難近潮音自可憑落伽何處是水月映空澄

桃城

赤城飛鳥外夾路已先花灼灼浮蕭寺迢迢引漢槎朝霞隨
洞口春水逼漁家不是逃秦客空多晉魏誇

荷花池

佛國蓮爲界江山花葉中時時惟淨業處處總香風暮靄千
莖翠朝陽并蒂紅塵凡空冉冉身世幾能同

歲暮贈子超文學

石門過十載貧病孰相聞歲暮猶欹枕山空獨見君屐侵幽
澗雪衣溼近江雲坐起譙樓柝青燈未忍分

德基

德基字練江一字定菴住寶華山

定菴與張南村編輯寶華山志十卷

其山圖皆王宓草安節兄弟所繪鏤刻甚工

哭杜茶村先生

每思歸夢澤竟作廣陵魂埋骨歸何地逃名尙有村殘陽迷
舊路秋色暗柴門百感眞難已空看遺草存

初夏

陌上已無人林中翠色新鳥聲不忍暮花氣尙餘春榮落全
歸夢芳菲半是塵且須遊秉燭節序去來頻

興源

興源字楚雲俗姓龍住棲霞寺有攝山志八卷旃檀
閣集

中秋同自怡道者最高峰看月

登玩宜清秋乘興凌高嶠天曠浮無雲松聲明月照杖策並
幽人俯仰同歌笑茫茫村野閒燈火時明耀我輩居林下放
情恣野眺一龍復一蛇升沈詎可料歎息彼塵寰途仄多齟
齬賀者未及辭悲者已相弔所以嚴子陵獨向桐江釣笑語
萬乘君何事頻相召

夕陽照幽谷山氣映空青江湖多舟楫絡繹如游鯁羣山勢

蜿蜒大小各異形桂輪漸東上天宇徧光熒回視孤峯頂雲
海一浮萍人生囿陰陽變易同螟蛉不能窺理性何以出沈
冥以此賢與愚邈然有徑庭曠土多奇懷炯炯如日星時思
塵外侶得句付鴻翎

長江不可極波與月流連儼如星宿海置之在目前名山真
可樂況復對名賢幽勝雖常有風流未易傳夜深白露下草
木氣澄鮮萬物發清機性情歸自然營營聖者徒盡日憂生
緣可能巖壑閒坦腹一高眠

心目無曠識世路難夷猶往往古之人後步輒前收今夕是
何夕明月在高秋層巖絕壑中杖笠恣窮搵昔年尋少室車
轍環東周夜行蒼翠中興致頗清幽問奇無勝友一顧不復
留支老買剡山元爲謝公謀我友白雲叟鑿石築松樓干戈